

第四十二目錄

咸豐安順府志(二)	一
民國續修安順府志	一四九

豐咸

安順府志
(二)

清·常恩 修
鄒漢勳 吳寅邦 纂
咸豐元年刻本 五十四卷首一卷

教

再示便民倉頭人及各鄉富民教

劉祖憲

示勸舉報孝子節婦教

胡林翼

文移

請定安平縣學租詳文

顏鳳儀

永甯州牒儒學撥歸義田租文

申贊皇

增設安平便民倉詳文

劉祖憲

捐買科田貸完無著糧米地丁詳文

劉祖憲

通報捐買田租添設孤貧額數詳文

劉祖憲

安順府志

卷四十五

藝文志目錄

一

捐設書院膏火並成鄉義學田租詳文

劉祖憲

請增永甯學額詳文

黃培杰

書

復貴提督李本深書

甘文焜

稟

清釐安平田賦稟

徐玉章

請加永甯學額稟

修武謨

安順府濬河稟

胡林翼

知安順府事長白常恩恭

藝文志二

教

再示便民倉頭人及各鄉富民教

劉祖憲

斯倉之設。以便民也。其以為未便者。亦唯曰重利不行。非富者便而已矣。殊不知加五重利。必貧且迫者。始甘心從之。不一二年間。愚者求讓。黠者竝思吞爾木。左支右吾。迫爾告狀。及至告官。無論本利之能追與否。而糜食費。受差擾。且數倍於本穀。是未得其利。而先虧其本也。即汝慎擇

安順府志

卷四十五

藝文志

一

借戶。而始見其有餘。不數年。負欠累累。所當之田業。半皆重複典賣。控之於官。而家產盡絕。官無可追。此時欲求其還本。而尚不足。追問利乎。逞日加五乎。即使所借之人。俱貧而弱。些少田土。盡歸於汝。而汝之前後左右。皆貧民。朝求救補。夕為盜賊。汝能安乎。稍不遂欲。便道路目汝。而且咒汝罵汝。汝能安乎。甚有無知之人。救補不遂。輕生自盡。告汝威逼。告汝人命。汝冤雖白。汝累無窮。汝自思之。加五之利。其可借乎。其不可借乎。今汝諸頭人。皆為余所慎擇。而素稱殷實。謹愿者也。苟由此益擴其仁心。勿思重利。勿事剝削。遇貧民。則與之言勤儉。遇富民。則與之言好禮。不

憚辛苦。照例隨借隨放。隨到隨收。無刁難。無遏抑。無令守
候。就延民沾實惠。數年之間。衣食足。禮義生。盜賊不作。爭
訟不興。各貧民思安飽由汝。必且敬汝。愛汝。德汝。且且慕
祝汝。頌汝。天視自我民視。天聽自我民聽。汝請頭人。其有
不與者乎。其尚賴此加五之利乎。余忝為汝長。為汝謀者。
不過勞心於旦夕。而此合之永遠不廢。斯民之漸致小康。
皆汝之力。亦非汝不能也。余安能不重賴於汝也。至惟思
獨富不顧鄰鄰。甚且以斯倉為妨已。加五之借。必欲壞而
去之。此其居心為大所不佑。為人所不容。諸頭人素稱良
善。萬萬不出此。而民性皆善。余亦不敢薄視爾民。而設是

安順府志

卷之五

藝文

二

心也。諸頭人及富民共勉為良善。無負余囑也。

示勸舉報孝子節婦教

胡林翼

照得孝弟為人倫之極。則而節烈乃士女之芳型。當其至
性感人。行路尚為流涕。至今幽光未發。吾輩能無厚顏。本
府下車以來。留心訪察。立志闡揚。而志乘闕如。湮沒無考。
皆因郡中風尚至樸。民力至貧。即使潛德入淫。孤魂莫慰。
而苦於資財不裕。舉報難艱。蓋胥吏之借事需索。與年例
之無端挑駁。本府久已知其情狀矣。今本府移行各廳州
縣。暨儒學教官。飭令查明孝子節婦。許爾族隣人等。會同
地方公正紳士。開據事實。赴學呈報。學中及有司書吏等

呈報。張皆由各官自行捐給。辨理。如有索取分文。准即到
府申訴。並准將事實徑自開送。到府本府傳見。後立即札
飭各學有司官。查實補給文冊。以憑核辦。自下至上。不致
需索一文。亦不慮經書之挑駁也。為此示諭紳耆人等。知
悉。爾等務當即時廣為採訪。聯名呈報。以便作速申詳。此
外如有割於孤兒。雖非中庸之道。奔喪貞女。或因年例未
符。亦並據實稟聞。聽候獎勵。夫人情當萬難之境。獨行其
是。原無意於求名。而有司有彰善之權。義無可辭。何忍因
以為利。爾紳耆等幸勿視為迂濶而忽之也。

文移

安順府志

卷之五

藝文

三

請定安平縣學租詳文

顏儀鳳

為額請賜文詳定學租培修文廟。以垂永久。事雍正三年
十月內。奉各憲批。本縣詳據縣屬舉貢生員何深等呈請
將縣屬馬場堡教場塲田租。歸學修葺文廟。緣由到縣。據
此本縣查得馬場堡田租。除納正供三石四斗五升六合。
丁銀九錢。歲用銀一錢三分外。每年共計獲租三十石。豆
七石。因田被州民侵佔。官經三憲。事歷多載。原係本城生
員張芳生。田洪泌七姓人等。於康熙四十七年內。告捐培
葺文廟之資。詳明各憲在案。蒙前督憲于批准入學。以補
傾圮。近因教官收入私費。以致學宮傾圮。卑職到任。日

心傷勉捐薄俸。竝募本地紳士。量力捐助。於本年六月內。庀材鳩工。將近告成。今據何深等。恐嗣後教官侵食。難免飄搖之虞。是以願請轉詳。將馬場堡田租。選擇一老成殷實之人掌管。五年一輪換。遇文廟有破壞倒塌之處。會同闈學。估計補葺。費過若干石。尚餘若干石。立簿交存縣內。查對。如無補葺。將租變賣買田。倘年久租多。一時不能買置田畝。卑縣現設義學兩館。分其餘租。以添義學束脩。竝考課獎賞。再卑縣有教場壩官租穀十五石。歷年俱係縣內收食。卑職到任。即捐入學宮。以襄異日。撥修之資。仰懇憲臺鴻恩。統為飭批勒石。以儲學中公項。俾教員不得藉

安順府志

卷之五

藝文 文移

四

端侵蝕。而廟貌賴以常新矣。等情。奉撫部何批。該縣捐修聖廟。復經理學田。以備續修之用。殊屬可嘉。如詳勒石。永遠。仍不時稽查。毋使侵蝕。繳。又奉督學院王批。據馬場堡教場壩。均係學田。每年所收餘租。自應永供修葺文廟之費。該縣悉心經理。規畫久遠。深可嘉尚。如詳勒石。遵守。仍候兩院批示。繳。又奉按察司申批。馬場堡田租。既經田洪泌等捐修聖廟。該教官何得私行侵蝕。坐視傾圮。殊忝厥職。今該縣捐修培植。甚屬可嘉。仰候各憲批示。繳。又奉貴東道批。據詳誠屬善舉。仰候各憲批示。遵行。繳。又奉本府何批。據詳經理妥協。悉見實心辦事。甚屬可嘉。既蒙各憲

批。允仰即遵照勒石。永遠。仍不時稽查。毋使侵蝕。繳。等因。奉批到縣。合行勒石。永遠遵行。惟望後之司鐸者。切勿侵蝕田租。庶廟貌輝皇。永永勿替矣。須至碑者。

永甯州牒儒學撥歸義田租文

申贊皇

乾隆三十八年三月十六日。據州屬紳士周景濂等。呈報雍正十年內。前州陳案撥大龍潭租穀三十五石四斗四升八合。充義學師生資斧。嗣因借充他項公用。久假不歸。為此呈乞查案通詳。勒石學宮。永將大龍潭租穀充義學膏火等情。據此查大龍潭租穀。從前原係撥歸義學。以充膏火。嗣因義學荒廢。是以將義學穀石。撥歸捕衙徵收。變

安順府志

卷之五

藝文 文移

五

價批解。以作開銷路斃流丐棺木之費。在案。今據周景濂等呈請改歸義學前來。為此牒知學署。希將撥歸義學穀三十五石四斗四升八合。每年照數徵收。以作義學膏火。將何如開銷穀石數目。造冊過州。以便查考。須至牒者。案據下三馬洛運總目。王日恒。生員王天元。具控。邑懷王天宇。匿契不稅一案。業經前州訊明。照例充公。斷歸義學。以資膏火在案。因州城未設義學。以至延擱。未經查辦。今義學現在興修。相應開明四至。牒送辦理。為此合牒貴學署。煩為查照來牒事理。希將邑懷寨納永田畝。照依後開四至。坵數。歸入義學。安佃收租。以資膏火。須至牒者。

增設安平便民倉詳文

制社

為通飭遵照事。道光五年十月十七日。奉各憲札飭各府
 廳州縣隨時勸諭士民量力捐輸。以厚積貯。而濟荒歉等
 因。由府轉行下縣奉此。卑職卷查嘉慶二十五年。奉本
 府發行本貴西道何轉奉督部堂慶札飭各府廳州縣察
 查該地方情形。或捐廉量助。或勸富樂輸。據實具詳核奪
 等因。當經前陞縣徐玉章於道光元年起。至四年秋止。共
 勸捐便民義穀九百四十餘石。設立本城姜家巖猪相堡
 倉四間。修貯九甲堡倉一間。鍾靈山寺倉一間。卑職於道
 光四年七月二十一日到任。接准移交。伏思此項義穀。原
 安順府志 卷之五 藝文 文移 六

為備荒及貧民歷年耕種青黃不接而設。卑縣周圍五百
 餘里。加以西堡十二枝。離城百餘里。或二百里。前捐之穀
 不足以供借。即數足相給。而路途遙遠。往返六七日。所有
 盤纏及挑脚。每石已費至五六斗。於民無益。惟數聚而共
 為一倉。民無轉運之勞。其便一也。義穀一石。取利穀一斗。
 往往有貪圖輕利。混行告借者。向例責覓殷戶。就保。所以
 杜民欠也。但道遠應借之人。或以隔遠無人認識。竟至向
 隅。或輾轉求保。耽延時日。均非便民之意。惟數聚而共為
 一倉。則果係應借。通塞咸知。舉目親鄰。易於覓保。其便二
 也。所有頭人好義心公。雖不取工值。而每石穀取利一斗。

再除耗三升。耗費二、三升外。實只得穀四、五升。所以向何
 只准頭人四、五人。於發借收穀之時。先行約會。定期不過
 五日。或六、七日。所以省糜費也。但遠者得信或後。而頭人
 以非放借之期。有事外出。貧民守候。勢所不免。惟數
 聚而共為一倉。隨借隨放。隨還隨收。民便而頭人不勞。其
 便三也。若數十里。祇設一倉。則倉一而借者千百。登簿認
 保。一日不能周到。擁擠爭執。均所不免。况春耕忙急。彼此
 各欲先歸。更難保無爭競之事。一至爭競。三四頭人。其能
 彈壓乎。惟數聚而共為一倉。除約會收放定期外。仍可隨
 時散借。人無擁擠爭執不形。其便四也。其偶逢小歉。大歉
 安順府志 卷之五 藝文 文移 七

之年。或應減價平糶。或應酌量先為散賑。皆所以賑恤貧
 民而利之所在。各思冒混多借。弊端易起。爭執易生。惟數
 聚而共為一倉。極貧次貧。人所共知。應借不應借。亦人所
 共悉。耳目易周。弊端易絕。其便五也。至建倉愈多。則管理
 愈易。收放愈近。則民情愈親。貧者既知為己所仰賴。富者
 亦知濟貧。即所以安富。各為其鄉。各共為守。稍有弊竇。報
 口交攻。而頭人之善者。借此以盡友助之情。不善者。亦因
 此而不生覬覦之念。其便六也。且建倉既多。必有經理得
 宜。積穀數倍者。人之欲善。各有同心。十室之邑。必有忠信
 相觀而善。知必有欣然共圖久遠者。即或頭人不安。一

此為試讀，需要完整PDF請訪問：www.ertongbook.com

稟報官亦得以虧缺無多。而易於追償彌補。不致此倉之
竟廢其便七也。有此利便。卑職當即捐穀二百石。每逢因
公下鄉之便。親為勸捐。或聯二三村寨為一倉。或聯四五
村寨為一倉。總以七八里及十餘里者。合為一處。並將某
倉應借某村某寨。不許別寨混借等語。出示曉諭。以杜爭
借之弊。自去冬十月起。至今秋七月止。共計捐穀五千餘
石。合前任勸捐九百四十二石零。共成六千餘石。分作三
十六處收貯。卑職勸令善民徐士魁等。獨建龍場等處便
民倉十七間。卑職捐修及鳩建倡修三十八間。加舊存六
間。共計建設便民倉六十一間。均已次第完竣。如積穀更

安順府志

卷之五

藝文 文移

八

充。再為另行擇地議蓋。所有善民徐士魁、褚廷璧、雷天爵、
唐經邦、梁師陶、楊大發、劉玉佩、龍連、楊永芳、王光遠、吳廷
紀、蘇玉珮等十二人。獨力捐建義倉三間。或二間。或捐地
基。俱屬可嘉。猪槽堡頭人鄭德嘉原領便民倉穀二百石。
實心辦理。自捐工食雜費。盡數收放。銷耗亦少。自道光元
年起。至五年止。進息穀一百七石零。亦屬急公可嘉。卑職
均給與匾額。以示鼓勵。茲據各頭人稟報收放。理合將捐
戶姓名穀數。各處倉厩間數。並頭人收放各款。造冊詳報
憲臺。俯賜查核。批示飭遵。除徑報督部堂、撫部院、臬藩臬
糧巡各憲外。為此備由繕冊文中。乞照詳施行。須至冊者。

捐買科田貸完無著糧米地丁詳文

劉祖憲

為詳請立案事。查得卑縣原額屯科糧米四千五百九十
八石八斗九升九合一勺。內有逃亡故絕。久已無著屯糧
米九石零六升六合五勺。所有七所一萬二千餘戶。其以
數抄整成一勺者。自設縣以來。約漏出糧米四石零五斗
三合四勺。歷任俱將此漏出糧米。抵完無著之項。除對抵
外。更有無著糧米五石零一升三合一勺。向係歷任墊賠
足額。或係糧差及頭人等。各自分賠。前升縣徐玉章。以無
著糧米。若聽糧差及頭人等分賠。難免該差等得以借口
浮收。已經禁革在案。茲卑職於道光七年三月。捐銀一百

安順府志

卷之四

藝文 文移

九

五十兩。買得黃港林科田二坵。一坵坐落中六林下堡門
首。塲中田一坵。朱旗塲田四坵。大樹脚田一坵。劉家墳山
田大小八坵。大門首長田一坵。團田一坵。洪園田三坵。共
田十九坵。又一坵坐落邢江河。本庄田四坵。本庄田三坵。
共田七坵。二共科田二十六坵。共計收租穀十九百六斗。
除貸完前項無著糧米五石零一升三合一勺。耗米七斗
五升一合九勺六抄五撮。去穀一十一石五斗三升零一
勺三抄。完納正耗丁銀。及開銷運脚各費。去穀三石零六
升九合八勺七抄外。更剩穀五石。存貯縣倉。以備歲歉減
租。奏完糧米之用。如此。庶無著之糧。永歸有著。而荒歉之

歲亦可以免縣令之賄累矣。再查卑職於本年三月內。通詳捐買書院義學租穀一千二百五石零。經頭人生員卽鳳徵等稟請將所置書院義學租穀歸縣收租變解。卑職已籌存備荒減租租穀二十石。並此項五石。共計每年積穀二十五石。概於交代時清交後任。以為彌補荒年減租納糧之用。合竝聲明。理合備文詳請憲臺。俯賜查核批示立案。除詳藩糧巡本府憲外。為此備由另冊文申乞照詳施行。須至冊申者。

通報捐買田租添設孤貧額數詳文

劉祖憲

為捐置田租添設孤貧口糧鹽菜以濟貧民事。伏查卑縣

安順府志

卷之五

藝文

文移

十

額設孤貧大口二十七名口。每名口日給米八合。小口五名口。每名口日給米五合。二項每名俱日給鹽菜銀五釐。均於本邑徵存官庄餘米內動支。每大口歲折支棉布衣褲銀九錢九分。小口折支銀四錢九分五釐。歷赴藩庫請領開銷在案。嗣因各鄉孤貧民人。多行赴縣呈懇。頂食名糧。若循照舊例。概令其守候頂充。而人多額少。該窮民望補需時。難免其流離失所。是以卑職於到任後。即將此項窮民捐給口糧鹽菜。至冬捐給棉衣褲。俾得全活。自道光四年起。陸續加增。至道光七年十月止。前後共捐設孤貧大口口糧六名。小口三名。卽有二三候補之人。亦不過數

月即可補食。庶幾額外孤貧。不至有向隅之泣。惟是此項口糧。年需米二十二石六斗八升。鹽菜銀十六兩二錢。棉

衣褲銀七兩四錢二分五釐。卑職既無閒款可籌。若概令後任捐給。亦恐難永久。用是捐買金譚氏全男世富世煥等。粟木寨全庄糧田一十五坵。不計坵數。共四十八畝六分四厘。東抵河西抵鎮甯州田土界。南抵燈盞坡。北抵山頂。所有地土山場寨苑。一切在內。仍招原佃艾文通等十五家佃種。年納租穀一百四十五石二斗。額載糧米十二石八斗。丁銀九錢一分。耗銀一錢三分六厘五毫。除完納糧米一十二石八斗。耗米一石九斗二升。銷去穀二十九

安順府志

卷之五

藝文

文移

十一

石四斗四升。地丁正耗銀一兩零四分六厘五毫。銷去穀二石五斗。再抽出穀五石。逐年存積。以為彌補荒歲減租之用。更剩穀一百零八石二斗六升。碾米五十四石一斗三升。除大口六名。歲支米一十七石二斗八升。小口三名。歲支米五石四斗。尙存米三十一石四斗五升。照青黃不接時。上米市價。糶賣銀兩。足敷鹽菜及棉布衣褲之用。若照中年米價。尙可剩銀數兩。其扣存小建口糧鹽菜銀兩。官自儲積。以備閏月之費。所有普濟堂七間。不論正署。各任自為捐廉。隨時粘補。歷年應給口糧鹽菜及棉衣褲米銀。在任之員。先行墊發。至十月收租後。卽將此租穀扣還

歸款。如遇有交代。除扣還墊發各項外。前任仍交出租穀五石。及小建扣存餘米。以為彌補荒歲減租及遇閏加租之用。是否有當。伏乞憲臺俯賜查核批示立案。實為德便。除詳閣督部堂撫部院暨藩糧巡各憲外。為此備由另文繕冊申乞照詳施行。須至申冊者。

捐設書院膏火。並城鄉義學田租詳文。

劉祖憲

為捐設書院膏火。並義學田產。詳請立案。以垂久遠事。竊照州縣有作育人材之責。書院義學。均關緊要。卑縣地方瘠苦。從未曾議及。自嘉慶二十年。經前故令陳嘉祚捐建治平書院一所。勸令紳民捐置田畝。並前陞縣徐玉章。陸

安順府志

卷之四十五

藝文

文移

十二

續捐買。歲收租穀。除完納糧米地丁正耗及運脚碾米各耗外。實得穀二百零九石五斗四升。為數無多。僅敷延師之用。並無膏火銀米。寒暖之士。不得不兼謀衣食。以致在院肄業者。甚屬寥寥。至城鄉義學。查康熙四十二年。前故令謝夢弼。捐買延師穀一十六石。設立城中義學一處。不久旋廢。卓職即於到任後。設立城中南北二處義學。又新設各鄉義學。招集貧苦蒙童入學課讀。又恐事難垂久。隨先後捐廉銀二百五十五兩三錢八分。以為之倡。一百勸令紳士量力捐輸。幸五六兩年。年歲豐稔。前後共勸捐銀七百九十三兩四錢二分。連卓職前後捐廉銀二百五十

五兩三錢八分。共得銀一千零四十八兩八錢。派令素稱誠謹之生員帥鳳徵。鄒凌雲等。作為首士。買得卑縣所屬之屯田。除全庄。及田成一派。不計坵數外。實買得田四百四十五坵。除去完納糧米地丁正耗。及運脚碾米各耗外。實得租穀五百五十七石二斗六升。又年得猪槽堡舖隴場。利穀九十石零一斗六升。共得穀六百四十七石四斗二升。連前舊買租穀二百零九石五斗四升。共計穀八百五十六石九斗六升。內撥為治平書院山長束修薪水穀一百二十石。內外肄業二十名。膏火穀一百二十石。賞給飯食紙筆穀四十石。城南義館。延師穀三十石。城北義館。

安順府志

卷之四十五

藝文

文移

十三

延師穀三十石。猪槽堡義館。延師穀三十石。生息穀二十石。舖隴場義館。延師穀三十石。生息穀一十五石五斗六升。齊伯房義館。延師穀三十石。生息穀一石六斗。羊場河義館。延師穀三十六石。上洛陽義館。延師穀三十石。柔東舊場義館。延師穀二十四石。車頭堡義館。延師穀一十六石。飯籠舖義館。延師穀一十六石。後六義館。延師穀一十六石。後三八義館。延師穀一十六石。生息穀四石。後九甲堡義館。延師穀一十六石。關廟義館。延師穀一十六石。五里屯義館。延師穀一十六石。西堡馬場義館。延師穀一十六石。西堡龍場義館。延師穀一十六石。西堡大弄場義

館延師穀一十六石。西堡戛卧寨義館延師穀一十六石。計治平書院延師膏火各穀。並城鄉西堡義學十九處。共計用穀七百四十二石一斗六升。更餘穀一百一十四石八斗。交書院頭人。輪流生息。以備荒年。彌補書院義學各穀。及續置田產之用。從此寒苦諸生。得資肄業。貧民子弟。各得入學從師。以期仰副大人樂育人材之意。至前項新舊買置田產。既屬官庄。應輸地丁糧米。核計所入穀石。劃出田畝。另造清冊。官為收租變解。其餘概歸書院。並各義學。首士經理支放。按年造冊報銷。所有義學館舍。除關廂已建有房屋。無庸議蓋。餘俱在各該處公所。暫行開

安順府志

卷之四十五

藝文

文移

十四

設容侯陸續籌辦。另行稟報。除將各項田畝造具清冊。呈報藩司糧儲道本府存案外。所有卑職勸捐書院膏火。並城鄉義學田畝各緣由。理合詳乞憲臺。俯賜查核批示。飭遵除徑詳閣督部堂。撫部院。暨藩臬糧巡四憲外。為此備由申乞照詳施行。須至冊者。

請增永甯學額詳文

黃培杰

為遵札確查。懇懇詳辦事。案於道光十五年十一月。據卑州紳士楊茂材等。呈懇請加學額一案。奉府憲經行奉布政使司。額按察使司。楊貴西兵備道周會札。內開奉督部堂伊札。據呈永甯州人文較盛。應否加額之處。仰貴州布

政司會同貴西道。督飭安順府查明例案。及現在情形。妥議通詳核辦。稟發仍飭。等因。又奉撫部院裕批。據稟加增學額。是否可行。仰布政司會同按察司。貴西道。體查實在情形。確核妥議詳報。仍候雲貴督部堂批示。稟發仍飭。等因。奉此。當經卑職將應請增額情形。據實詳在案。茲於道光十六年二月十三日。復奉憲臺行奉。兼署布政司唐貴西兵備道周會札。內開奉督部堂伊批。此案前已簽查。茲據復詳前情。仰貴州布政司會同按察司。貴西道。查明近年中式是否加多。妥議詳辦。仍候撫部院批示。繳。又奉撫部院賀批。仰署布政司會同按察司。貴西道。體查實在情形。確核妥議詳報。仍候督部堂批示。繳。各等因。到州。奉此。飭即妥議詳報。以憑核轉。卑職遵查學政全書內。載雍正二年奉

安順府志

卷之四十五

藝文

文移

十五

上諭我

聖祖仁皇帝壽考作人六十年來。山陬海濱。莫不蒙慈。戶詔。直省

應試童生人多額少。有垂老不獲一矜者。其令督撫會同學臣。查明實在人文最盛之州縣。題請小學改為中學。中學改為大學。大學照府學額取錄。督撫務宜秉公詳查。不得徇私。濫等因。欽此。欽遵在案。又查學政全書內。載嘉慶十五年。議准雲南昭通府。自雍正五年設學。取進文生

十名。原增各八名。四年一貢。現在應試文武童生較前更屬加增。請量加調劑。以示鼓勵。昭通府准其加額。進文生二名。武生二名。增設廩增各四名。三年一貢等語。查卑州自康熙三十八年。與同府之普定清鎮等縣。同時題請設學。均照小學例。取進文武童生各八名。嗣普定等縣於雍正二年。准增額四名。安平縣學原額七名。後亦增額五名。道光六年。即仿廳新設學校。亦係十名。卑州設學一百數十年來。多士奮興。不獨改土歸流之募役司。所屬民苗咸知誦讀。即沙營頂營兩土司。以及樂運樂壩。八大樂舉。大地播西。六土。弁地方苗童。莫不仰承。

安順府志

卷之四十五

藝文 文移

六

聖教。慕義向風。卑職於十五年四月到任後。勸捐修建學宮。書院。義學。義倉。並置義田。修理橋梁道路。各項工程。俱已告竣。詳請鼓勵。在案。其土習民風。實為醇樸。本年科考。據儒學彙送漢苗生童花名清冊。至有四百餘名之多。較同郡州縣應考名數。有盈無絀。且卑州額設廩生三十名。增生三十名。拔貢一名。歲貢三年兩名。本係中學之制。歷來鄉會兩試。間有中試。近科以來。中試加多。道光壬午科。中試以八楊茂材。即於癸未科會試。中試進士。乙酉科中試舉人侯榮封。戊子科中試舉人修武謨。姜封齊。壬辰科中試舉人楊茂先。乙未。

恩。其中試副榜沈宗濤。較黔省各苗疆地方。實係文風最盛。核與昭通府苗疆加額之例相符。可否如該紳士等所請。改小學為中學。文武童生各增額四名。以示鼓勵。人材之處。出自憲恩。如蒙俯賜栽培。實於苗疆地方。大有裨益。再。永甯原設廩生三十名。毋庸再加原額。合並聲明。卑職管見所及。未識是否。所有奉札飭查妥議緣由。理合具文。請憲臺查核轉詳。實為德便。

書

復貴提督李本深書

甘文焜

安順府志

卷之四十五

藝文 書

七

天柱石。總統全黔精兵。捍禦疆場。大敵。此誠本部院之素志。亦為封疆大臣之所以。上報皇上。而造福於蒼生之至計也。緬維我

國家定鼎西南。荒服之區。桂王獻俘於緬甸。安坤授首於水西。羅甸檣槍。掃除皆靜。魁山渠賊。反側自安。文德崇躋於三王。武功丕振於萬國。河清沔曼。福祿永昌。念茲滇黔重地。撫綏實難。鎮服匪易。爰

命貴軍門與本部院。抄以邊疆重任。予以閩外兵權。是雲貴之安危。皆本部院與貴軍門之責。更無所容其旁貸者也。適時平西王奉

吉准撤回京一月之間三次

欽差大人往滇。羽檄戒嚴。虎狼蟠踞。搖動人心。披猖鼎沸。貴州藩司潘臬司李。糧驛道陳。已經請赴普安州。安南等處。策應平西王回京。搬運家口夫馬。持籌儲糈。省會空虛。兵民惶惑。撫都院曹數日來。聞

欽差大人星夜奔馳出滇。不知所為。塘報杳無。揣茲事勢。禍亂已熾。本部院厲兵秣馬。期與貴軍門聯鑣並轡。剿滅妖氛。

幸惟恢宏大畧。共披肝胆。仰報皇上浩蕩洪恩。提挈兩省兵民。出離湯火。嗚呼。本忠孝真性。建英雄事業。正在今日矣。本部院現馳檄威甯。大定。黔西。平

安順府志 卷之五 藝文書 六

遠安籠各總鎮兵。矢以同心同德。共勤王事。鐘鼓式靈。犬羊隊會。更不必俟。寇涉盤江。始商共著祖鞭也。貴軍門如果志在匡君。忠貫日月。當與本部院手足相依。攻同之車馬。便為於燦之

王師板蕩之功。勳標作不朽之麟閣。身名俱泰。清史流芳。卽或寇孽猖獗。孤臣受困。本部院任兩省封疆。惟有效張巡南霽雲以身殉國。卽屍無馬草裹還。斷不稍存携貳也。貴軍門同守封疆。休戚存亡。與本部院相為一體。為今日計。願卽日興師。駐劄盤江上流。以禦其變。馳檄各鎮。結唇齒以互為聲援。本部院會同憲部院。督率督撫兩標人馬。堅

孤固守以待

王師不然者。情恍無從。二三其德。謬瞻顧於家室。思依附於前驅。進恐成礙。退亦多凶。未免雉羅。行羅。狼跋其尾。一失脚時。千古憾。再回頭。是百年身。遺馨遺臭。千里毫釐。貴軍門其孰思而審處之。無遺後悔可也。

稟

清麗安平田賦稟

徐玉章

竊照黔省田賦。屯田為重。查安邑起徵。科則每屯一畝計二十六升有零。推原其故。因係屬本係平壩衛屯軍。每軍一名。向徵額糧四石。所耕之田。名曰屯田。此外又有開墾

安順府志

卷之五

藝文書

十九

老田及順治十六年以後。勸民開墾。陸續起徵。名曰耕田。稅則極輕。每畝自五升至五合三合不等。其實有完科一畝。而管業數畝。至十餘畝者。迨康熙二十六年。改衛設縣。糧額仍依衛制。取足於屯軍百戶。而各百戶尚有新增之餘糧。以補足正額。此歷來糧賦。並無遺欠之緣由也。惟是改衛設縣以後。屯科田畝。均屬私業。例得買賣。而屯軍之貧者。為富戶把持。輒將有水源之上田。改為下則利田。甘納空糧。以圖受價。而富戶之狡黠者。改易地名。混淆縮額。甚至耕數十畝之田。而僅納糧數升者。且有將所置額糧。佃與窮苗。將租納糧。而本名下雖田連阡陌。額糧無多者。

迨近年以來。窮軍窮苗。田園賣盡。始而鬻賣屋宇。繼而鬻賣男女。以填逋賦。更有逃亡故絕。無可著追。而糧差及鄰族代為賠墊者。卑職到任以後。日夕清釐。黔省本無庫貯魚鱗清冊。而民間買賣。每每改易地名。希圖掩飾。甚至實徵版冊。每年更易父子弟兄名字。以致無從查察。竊查本邑新懇之科田。倍於屯田。更有永遠所歸併之科田。又加數倍。統計本邑四千餘石之額糧。為數無多。與其使屯軍窮苗。獨受其累。何如丈田均賦。共樂輸將。雖黔省地瘠民貧。萬不可以加賦。而屯衛既裁。似可裁去屯田各目。按照上中下三則。計畝均攤。俾富戶不致詭寄。而貧民得以樂

安順府志

卷四十五

藝文

二十

生似與地方實有裨益。卑職向本碌碌自守。不敢更張。實因卑邑貧民。久未照額徵收。以致向隅。若不亟加整飭。再閱數年。正供亦必缺額。不得不早為清理。以垂久遠。如蒙允准。伏乞飭下改衛設邑之府廳州縣。一體核議。再行妥議魚鱗冊籍。僱募算手。造給印單。並丈勘年限。籌備公費。名章程彙請

奏辦。則邊徼生民。永沾利賴矣。再卑職所稟。係通省公事。或慮迂遠難行。易滋弊竇。上厪慮慮。但卑邑清查糧務。尚有簡便之術。可以毋庸

奏請。查卑邑未經裁衛以前。有康熙九年清丈屯田清冊。因

至非然。原係內署流交。與清領龍里。毫無冊籍者不同。卑職擬於每年十月至十二月止。親自赴鄉。按照老冊。四下計畝清釐。其有改屯結糧者。即為改正。或有水冲沙壓。及舊熟新荒者。以新懇之老屯補額。雖未能正本清源。亦是以前直額賦。為貧民稍紓生計。且與本年欽奉

上諭。飭令各州縣。調查近年糧冊之

旨相符。在卑職坦白為心。士民共諒。三年為限。決可清釐。惟此事為貧民所樂聞。即為富戶紳衿所不悅。倘有花戶違拘不遵者。即當照欺隱田糧本律辦理。是否有當。伏乞批示。謹

安順府志

卷四十五

藝文

二十一

請加永寧學額稟

修武謨

為懇加學額。以勵人材事。竊照康熙三十四年前。撫憲王題請添設各廳州縣學。安順府屬之永甯州。普定縣。均照小學例。額取文武生員各八名。雍正四年蒙

天恩。俯念文明漸開。民苗向化。

上諭。撫臣查文風較盛之府州縣。進小學為中學。中學為大學。并定等縣。已蒙增額四名。時永甯漢苗雜處。地廣人稀。應設童生尚少。未蒙一例加增。迄今沐浴

聖化。二百年來。又蒙各大憲。作育薰陶。僻壤民苗。咸知誦讀。道

光二年。署知州劉。創建維風書院。春秋兩開。科甲聯起。是

科應試人數。倍於設學初年。上年歲試。蒙學憲逾格栽培。於額取八名外。賞取份生二名。多士奮興。如沽時雨。近來書院。應課童生。增至三百餘名。是亦邑弟子。爭自濯磨。不亞同郡州縣。有明徵矣。惟歲科兩試。往往人浮於額。單寒士子。感奮無由。恭逢

聖天子

雅化。作人於邊方士子。尤蒙逾格恩施。如同省之。即岱古州松桃等廳。向來附府學考試。均蒙題請設學增額。永甯設學已久。童生應試人數較多。其加增學額。亦視各廳尤易。永甯原係州制。歷設廩生三十名。加額無俟添廩也。永甯原有教官。以資訓課。加額無俟設官也。聖宮明倫堂

安順府志

卷之四十五

藝文

三十一

學。士民公同捐修。加額無俟請領。修建也。願請增學額四名。俾符州學體制。舉人等再四籌息。永邑地屬偏隅。文風蒸蒸。日上仰見。

聖朝

文教草敷。無遠弗屆。而寒苦士民。均知慕義樂輸。隆重學校。其向隅之情。想亦各大憲作育人材之意。所為格外矜恤。樂得而振拔之者也。伏冀憫念輿情。援例申詳。會請仰邀

皇上

天恩。一視同仁。照同府之鎮甯。普定。安平。清鎮等州縣中學例。增額四名。取進文武生員各十二名。以為鼓舞人材之階。以廣

聖世同文之化。則邊陲下土。永荷栽培。為此呈乞憲其前俯准施行。

施行

安順府濬河稟

胡林異

敬稟者。查安順府城周九里三分。設文員八。提督一。武職官弁六十九員。實駐在城兵丁一千五百廿九名。烟民戶口一萬六千三百餘戶。邊塞險要。戶口亦繁。為西南一大都會。卑府於二十七年冬季。暑篆時值久晴。河渴泉枯。城內軍民於東門外四里之龍洞汲泉。降原陟嶽。勞費不少。雖旱不常有。而偶值乏水之年。則一月之費。約計百萬錢。不幸而兩月三月。其價倍增。此安順歷年乏水之情形也。

安順府志

卷之四十五

藝文

三十一

湖查往籍。洪永間曾議建會城於此。因惡其為竭澤而改居順元。嘉慶二年。南籠有事。駐重兵於普里。曾以碎石裏砌五壩於城中。不久即廢。遺址亦湮。其存者。僅東關內民建一堰。石質方整。至今可用。是安順水利之關係繁要。前人早已慮及矣。復查城之東北八里曰和紹峯。匯田流而成溪。由東北郭入於城。城之西北十里曰馬鞍山。泉流成溪。由西北郭入於城。二流共注於李家花苗。又逕於城南而出。出城十餘里。左會飛虹之水。西南會白水壩橋之水。為郎公河。此安順水道之原委也。和紹峯之水。其源易竭。非雨不流。馬鞍山之水。石洞淵深。晝夜不舍。而洞外巨石。

安順府志

卷之四十五

藝文

三

壅蔽泉口。高於河身二丈八尺。非開鑿石渠。必不能流行。無滯。卑府於二十八年三月。估役石工。於馬鞍山鑿渠。計長四十六丈。渠口深二丈八尺。渠尾深一丈四尺。廣六尺。役石工四千三百七十四工。每工六分五釐。計銀二百八十四兩有奇。役挑夫四千四百七十八工。每工二分五釐。計銀一百一十一兩有奇。共銀三百九十六兩有奇。自三月初四日始事。至九月初一日蒞事。而其源始開。城中山勢自北而南。水勢自西北東北而趨於南。既處建瓴之勢。誰為障水之庸。非建立石堰。必不能節宣以時。繼於九月初三日。為築堰之役。於西城內大石橋下十步。建石堰一座。長三丈二尺。高四尺。廣三尺五寸。整石砌成。費銀四十四兩。李家花園。建石堰一座。長十丈六尺。高五尺。廣六尺。五寸。整石砌成。上下如一。費銀一百六十兩。皮匠灣建石堰一座。長五丈九尺。高五尺五寸。整石砌成。費銀八十六兩。貢生楊春發。獨於黃古井。建石堰一座。下堰上橋。堰橋共長四丈八尺。廣六尺。橋高七尺五寸。堰高四尺五寸。費銀一百九十兩。有奇。染工向於東門內之舊堰洗染。穢流於上。汲飲非宜。經魏令勸諭。於南關出水之處。東岳廟下二十步。捐建石堰一座。長五丈六尺。高六尺。廣五尺。費銀八十兩。貢生吳澤遜。修整東關舊堰舊橋一座。又率紳民

安順府志

卷之四十五

藝文

三

修整舊廟。定橋一座。尺寸不計。費銀一百六十兩有奇。計建新堰五。修舊堰一。而其流可節。河身日墊。幾與岸平。石砌既卑。久未修理。無論秋冬水涸。涓滴無存。即春夏之交。雨集則盈。雨止則渴。其盈也。漫淹街衢。甚則淹廬舍。其竭也。即平地不逾數寸之深。而淺處必有斷流之勢。益惟容納不得其宜。故有無皆足為患。非濬深增高。必不濟。畜有資。繼於十月初六日。遂興挑河修岸之功。而合城紳士。捐修日多。即無力貧民。亦且扶老攜幼。荷鋤效力。河干不受庸錢者。日以百計。城之內分東西南為三段。其西則西水關之四官橋。抄紙橋。毀眼井。三岔河。李家花園等處。令舉人羅榮光。王恩榮。司其事。共濬河四百六十六丈。河身自七尺至一丈三尺不等。李家園堰前加濬一塘。周二十六丈。中深三丈八尺。役夫一萬四千七百二十二功。每功二分五釐。計銀三百六十七兩有奇。加高石岸等費。計銀四百六十五兩有奇。共計銀八百三十二兩有奇。其南則望春臺。黃古井。皮匠灣。東岳廟。以及南水關等處。令副貢楊春發。拔貢吳寅邦。司其事。濬河四百一十六丈。河身自八尺至一丈四尺不等。皮匠灣堰前。加濬一塘。周二十八丈。中深二丈三尺。東岳廟堰前。加濬一塘。周二十二丈。中深二丈一尺。望春臺加濬一井。深三丈。役夫一萬五千五百五

十六功。每功二分五厘。計銀三百八十八兩有奇。加高石岸等費。計銀五百三十五兩。共計銀九百二十三兩。其東則東水關之偏石板、四方井、小橋、新橋、太平橋等處。令貢生吳澤遜舉人楊文瀾司其事。濬河三百三十三丈。河身自八尺至一丈四尺不等。役夫一萬一千六百一十三功。每功二分五厘。計銀二百九十兩有奇。加高石岸等費。計銀四百五十一兩。共計銀七百四十一兩。魏令復勸諭紳士捐修建東關、南關水門。設立木閘。費銀二百一十兩。自十月初六日始事。至次年二月十六日竣事。於是城中之水利有資。而水害有備。以上各項工程。通計用銀三千八

安順府志

卷之五

藝文

六

百二十二兩有奇。除卑府捐銀四百四十三兩。又由府籌出開款九十七兩。普定縣魏令、郎岱廳陳丞、清鎮吳令、合捐三百六十兩不計外。又除城中街衢溝洫。凡流惡之處。由府捐銀疏通。改道於下流入河。並貧富助工往來無定。均未記載核算外。至紳士楊春發、楊春魁、吳澤遜、吳寅邦、羅榮光、王恩榮、楊文瀾、梅克薰、陳太原、呂乾曜等。公同倡率。捐銀二千九百二十二兩。皆出自紳矜之心。固非勉強。更不經官吏之手。無可侵漁。功歸實濟。費不虛糜。且晝夜在工。勤瘁並至。應俟壇社書院。各廟功成。再行并案詳註獎勵。以勸善士。惟自上年三月初四日開工。至本年二月

十六日竣事。卑府所派監功之府訓導吳濱、普定縣教諭丁聯芳、府經歷党思齊、委員經歷吳張玉階、前署普定縣典史孔繼志。現任典史游泰徵。分作兩班。按日在功。巡察風雨早暮。勤苦經年。在微員無功助工。又不經手銀錢。本難獎勵。而督率匠役之勤惰。稽察工料之多寡。始終不怠。卑府亦不敢沒其微勞。可否乞請憲恩。將監功之吳濱等七員。各予記功之處。出自鴻慈。再者。本年驚蟄節前。雷雨滂盈。馬鞍山來勢甚旺。因河工未畢。先於城外截流。蓄水道。二月十六日工竣後。將東西水門木閘啟放。越二日夜。而各堰皆盈。一片汪洋。澄清如鏡。或有疑堰多則宜洩

安順府志

卷之五

藝文

三七

為難。恐夏秋或至。泛濫不知。歷年夏秋之間。通城無堰。而三日霖雨。平地數尺。是水患在河之深淺。而不在堰之有無。明矣。且今日之河。深於昔日。以一丈四五尺計。今日之岸。又高於昔日。以七尺八尺計。有利無害。似為可信。此卑府所以毅然行之而不疑。而合城紳士軍民。所以不煩蒞勸。而捐輸恐後者也。合併陳明。所有工竣請獎紳士。理合肅稟伏乞

垂鑒

教補

示嚴禁煉花教